

Kalaallit Nunaanni Eqqartuussisarnermik inatsisip inatsisillu allat assigiinnngitsut allanngortinneqarnissaannut inatsisissatut siunnersuummut missingiut pillugu (Politiit pillugit aaqqissuusseqqinnermik, politiinik naammagittaalliuutiginnissinnaanermik aaqqissuussinermik pilersitsinermik il.il. naammassinninneq) Namminersorlutik Oqartussat akuersinissaat pillugu Inatsisartut aalajangiiffigisassaattut siunnersuut.
 (Ineqarnermut, Attaveqarnermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoq)

Akissuteqaat

(Ineqarnermut, Attaveqarnermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoq)

Aappassaaneerneqarnera

Inatsisartut aalajangiiffigisassaattut siunnersummik matuminnga Inatsisinut Ataatsimiitaliap peqqissaartumik suliaqarsimaneranut Naalakkersuisut qujarusupput.

Danmarkimi politeeqarfiiit allat assigalugit Kalaallit Nunaata taakkununngaa naligiissinneqarnissa pingaaruteqarpoq, iluaqtissallu Danmarkimi iluaqtigineqalersut taamaalilluni iluaqtigilissallugit. Tamatuma saniatigut najukkani sunniuteqarsinnaanerup aamma anguneqarnera annertuumik pingaaruteqarpoq. Tamatuma nunap immikkoortuini siunnersuisoqatigiinnik pilersitsinerup qulakkeeqataaffigissavaa.

Aammattaaq politiinik naammagittaalliuutiginnissinnaaneq pillugu aaqqissuussineq pilersinneqartussaammat nuannaarutissaavoq, tassani unnerluussisussaatitaasut sulianik suliarinnittarneranni Kalaallit Nunaanni pissutsinik naammattunik ilisimasaqarnissaq qulakkeerneqassalluni.

Tamanna tunngavigalugu ataatsimiitaliap isumaqatigiissup, taamaattorli § 62 h-p inaarutaasumik inatsisissatut siunnersuummit peerneqarnissa Kalaallit Nunaanni Namminersorlutik Oqartussat inassutigigaat, aamma innersuussutit tulliuttut isumaliutigilluartariaqartut pillugit allannguutissatut siunnersuuteqartup, siunnersuut akuersaarmassugu Naalakkersuisut nuannaarutigaat:

- Atortunik uniforminillu pisiniarnermut tunngasut pillugit inatsimmut oqaaseqaatit erseqqissaavagineqarnissaat Inatsisinut Ataatsimiitaliamit inassutigineqarpoq, taamaalilluni politeeqarfimmut allanut pisiarineqartunit pitsaassutsit Kalaallit Nunaanni allaanerusinnaanerat pisariaqarsinnaasoq Rigs politiit equmaffiginiassammassuk.
- Kalaallit Nunaanni politeeqarfimmut ilisarnaataasut pissutsit unammilligassallu pissutissaqartumik eqqarsaatigalugit Kalaallit Nunaanni Politiinut pisortatut pisortamut isumaqatigiissutip inunnut ataasiakkaanut isumaqatigiissutit ilusilerneqarnissa Inatsisinut Ataatsimiitaliap innersuussutigaa.
- Naalagaaffiup eqqartuussissuserisuanit nunap ilaani statsadvokatimut suliassanik nuussineq pillugu inatsimmut oqaaseqaatit erseqqissaavagineqarnissaat Inatsisinut Ataatsimiitaliap innersuussutigaa, taamaalilluni Kalaallit Nunaanni immikkut ittumik

eqqartuussisarermik pinerluttulerinermilu inatsisinik atuuttoqarnera, ilaatigullu taakku Danmarkimi malittarisassanut atuuttunut allaanerusumik piumasaaqateqarneranik tunngaveqarnerat, ataqqillugu suliassanik suliarinninneq pissammat.

Inatsisinut Ataatsimiititaliap isumaliutissiissutaa Naalakkersuisut isumaqatigaat innersuussutigalugulu allannguutissatut siunnersuutip akuersissutigineqarnissaa.